

الأنبياء الصغار

يونا

أفلا أشفق؟

سفر رائع في تفهيمنا قد إيه ربنا لا يشاء أن يهلك الخاطي بل أن يرجع و يحيا ... الله اللي بتوبة حقيقية يغفر خطايا سنين كثير و يرحم و يصفح ... و يواجه كل واحد فينا: هل الصفة دي في ربنا كويسة بالنسبة لك ... لو معناها رحمة لعدوك؟

! أسفار الأنبياء الصغار ممكن تقول أقل أسفار بنقراها أو بنعدّي عليها من غير ما نفهمها ... رغم إنها مليانة نبؤات مهمة جداً عن ربنا و عن الكنيسة لدرجة إن كنيستنا في أسبوع الآلام (أقدس أسبوع في السنة اللي بيركّز على الصليب) بتقرا كثير جداً من أسفار الأنبياء الصغار

i عن السفر



عن الكاتب:

- معنى الاسم: **حمامة** ... (على اعتبار إن الناس الأشرار محتاجين الروح القدس اللي أحد رموزه الحمامة، حتى يدعوهم للتوبة) ... التقليد اليهودي يقول إنه ابن أرملة صرقة صيدا اللي

أقامه إيليا من الموت

- فترة النبوة: **من أنبياء قبل السبي ... كانت نبوته في عهد الملك يربعام الثاني (في مملكة إسرائيل)**
- أهم إنجازاته:

- يونان من أكثر الشخصيات الغريبة ... ناس كثير بتحتار: إزاي رجل الله يبقى متغاض إن ربنا عايز الناس تتوب و عايز يرحمهم؟
- الحقيقة إن يونان كان نفسه الناس دي تهلك لأنهم كانوا بيشكّلوا خطر حقيقي على إسرائيل ... و فعلاً أشور (اللي عاصمتها نينوى) سبّت مملكة إسرائيل و كان حكمها دموي جداً
- يونان عنده شوية إنجازات:
- 1. إنه مخافش يروح نينوى رغم إنها مدينة ناسها أشرار جداً
- 2. إنه بشّر البحارة بربنا (حتى لو بدون قصد) و مخافش يقول لهم إن البحر هاج بسببه
- 3. إنه صلّى صلاة رائعة في الإصحاح الثاني ... غلب فيها الرجاء اليأس
- 4. أصبح رمز للسيد المسيح اللي غلب الموت و بشّرنا بالخلّاص (بشرط التوبة)
- بَدَل ما ندين يونان، المفروض يونان يعطي كل واحد فينا رجاء إن ربنا ممكن يشتغل بيه على الرغم من عيوبه ... ربنا كان ممكن بمنتهى البساطة يبعث أي حد تاني قُطيع بدل يونان ... يونان ماعملش مجهود كبير يعني عشان نينوى تتوب ... لكن ربنا لا يترك أولاده أبداً ... كان عايز يشتغل بيونان و يعلمه قد إيه ربنا رحمته شاملة الكل ... و إنه لا يشاء أن يهلك حتى أشرّ الخطاة بل أن يُقبِل إلى التوبة

عدد الإصحاحات: 4

? ظروف الكتابة:

- في الثقافة اليهودية، ربنا ده إلههم هم فقط ... سر تميّزهم كشعب عن باقي الشعوب ... ليه يكرز بيه للأمةيين؟
- طبعاً ربنا عادل ... لَمَّا نينوى شرها و فسادها بقى بلا رجوع ولا توبة، أرسل ناحوم النبي اللي تنبأ عن هلاك أشور على يد بابل

📖 السفر موجّه لمين؟

- سفر يونان من الأسفار الغريبة في أسفار الأنبياء، لأنه مش بيتكوّن من نبوّات ليونان، بل بيحكى قصة يونان
- القصة دي و رسالتها موجّهة للبشرية كلها على مدى العصور

📌 هدف السفر:

- السفر ده رغم بساطته و قصره عميق جداً في معانيه ... فيه دروس كثير جداً أهمها توضيح قد إيه ربنا بيحب الخطاة و يدور على خلاصهم
- مافيش حد خلاصه مستحيل ... مدينة كاملة شريرة ثابت بمناداة سريعة من نبي غير مقتنع برسالة قصيرة و مافيهش أي رجاء ... مافيش حاجة صعبة على ربنا
- سفر المتناقضات الكثير اللي بيواجه كل واحد فينا: هل انت موافق إن ربنا يرحم و يسامح أعدائك؟ و بدّل ما نفضل نتكلّم عن يونان و إنه إزاي رجل الله يعمل كده، يا ريت السفر ده يكون مراية كل واحد فينا يشوف فيها نفسه: هل أنا (و أنا في العهد الجديد، عهد النعمة) قادر أحب عدوي؟
- بيخلي كل واحد يسأل نفسه: هل أنا باهرب من ربنا؟ فيه حاجة في حياتي مش عايز أسمع كلامه فيها لسة؟ الحقيقة رغم إن الإجابة في أغلب الأوقات بتبقى: نعم ... لكن ربنا بيورينا إنه مصمّم يستخدمنا برضه ... بحبه العجيب بيصبر علينا لحدّ ما نفهم ... لو مش بالكلام يبقى بالعاصفة .. أو البحر ... أو ناس مؤمنين بطريقة غير متوقّعة .. أو الحوت .. أو الغفران .. أو اليقطينة و التعزية ... أو التجربة ... ربنا لا ييأس أبداً
- و مش بس يونان دعى نينوى بالتوبة، ده كمان في السكة آمن البشارة في المركب ... يعني محاولة يونان للهرب جئت بالخير للبشارة اللي عرفوا ربنا
- التوبة الفردية (يونان في جوف الحوت) و الجماعية (مدينة نينوى) هي شرط للخلاص

🔑 مفتاح فهم السفر:

- السفر بيواجهنا بتصرّفات عكس كل توقّعاتنا من الناس: النبي بيعصى أمر ربنا ... البشارة الوثنيين بيؤمنوا و يتوبوا ... نينوى المملكة الشريرة جداً و القاسية تجلس في المسوح و الرماد في صوم و توبة بنحتفل بيها كل سنة
- طبعاً ده مش موضوعنا، لكن علمياً مش مستحيل الإنسان يفضل حي في أماكن معيّنة من جوف الحوت ... و حصلت لناس تانيين

☰ ترتيب السفر

سفر رائع يوضّح محبة الله لكل الخطاة، و قبوله دائماً للتوبة

إصحاح #1

يونان و البحارة



دعوة ربنا ليونان .. و رفض يونان و هروبه في سفينة ... و العاصفة و إيمان البحارة ... و بلع الحوت ليونان

إصحاح #2

توبة يونا و صلاته



يونا في خوف الحوت يصلي صلاة رائعة مليئة بالرجاء

إصحاح #3

يونا في نينوى



كرازة يونا في نينوى، و توبة أهلها و رحمة الله لهم

إصحاح #4

عتاب يونا لله



الله يشرح ليونا قتل لمحبتته لكل البشر من خلال قصة اليقطينة

ملخص السفر



1: يونا و البحارة

إصحاح #1



- السفر بيبداً إن ربنا يقول ليونان يروح ينادي نينوى (عاصمة أشور) بالتوبة لأنها وصلت لمرحلة صعبة جداً من الشر (آية 2)

- يونا هرب من ربنا ... بدل ما يروح شرق، راح غرب (في مركب على ترشيش) (آية 3)
- و نام يونا في السفينة نوم ثقيل (آية 5)
- ربنا أرسل عاصفة قوية جداً عشان يونا يفوق (آية 4)
- و العاصفة كانت قوية و غير متوقّعة لدرجة إن البحارة اللي عندهم خبرة حسّوا إن فيه قوة غريبة في الموضوع ... و رموا الأمتعة و صرخوا لآلهتهم و صخّوا يونا (آية 5)
- سألو يونا (الشخص الغريب اللي معاهم) فاعترف إنه بيعبد إله البحر و البَرّ (آية 9)
- و لما سألو: طيب نعمل إيه؟ كان ردّ يونا: إرموني من المركب! (آية 12)
- حاولوا في الأوّل يشوفوا أي حل ثاني لكن ماقدروش ... فاضطروا يرموه و هم بيقولوا لربنا إنه لا يحسب دم يونا عليهم (لأنه الطبيعي إنه يموت اللي يترمي في العاصفة دي) (آية 14)
- و رموا يونا في البحر اللي على طول هدي ... فأمنوا بربنا (آية 16)
- و بينتهي الإصحاح برحمة عظيمة من ربنا اللي جهّز حوت عشان يبتلع يونا كي لا يموت (آية 17)
- و هكذا بقي يونا في جوف الحوت 3 أيام

فم إذهب إلى نينوى المدينة العظيمة و نادِ عليها لأنه قد سعد شرّهم أمامي

يونا 1 : 2

ربنا لا يشاء موت الخاطي مهما كان وِجش جداً، بل أن يتوب فيحيا

و أما الرب فأعدّ حوتاً عظيماً ليبتلع يونا. فكان يونا في جوف الحوت ثلاثة أيام و ثلاث ليالٍ

يونا 1 : 17

ربنا أنقذ يونا طبعاً من العاصفة، لأنها ليست لهلاكه
و أخذ خلوة إجبارية في جوف الحوت عشان مايقدرش يهرب ... إلا إلى الله بالصلاة
و بقى مثال للمسيح اللي مكث في القبر 3 أيام و قام

ما لك نائماً؟ قم اصرخ إلى إلهك عسى أن يفكر الإله فينا فلا نهلك

يونا 1 : 6


النوم الثقيل معناه غفلة تامة عن الوضع اللي حاصل ... تفاصيل أكثر في التأمل ده

نتعلم إيه؟

كل الأشياء تعمل للخير ... عناد يونا سبب في معرفة البحارة لربنا
🙏 يا رب أنا واثق إن انت ضابط الكل، و كل أعمالك خير ... حتى لو أنا بوّظت الدنيا، انت
هاتشغل بيّ للخير برضه

2: توبة يونا و صلاته

إصحاح #2



• في جوف الحوت ... تحوّل الموت لحياة (طبعاً كمثال المسيح في القبر)

• يونا و هو في جوف الحوت طلى واحدة من أروع الصلوات اللي في الكتاب المقدس (بنقرأها في نبوات سبت النور)

- الصلاة دي بدأت شكر لربنا إنه لم يتركه (آية 2)
- و انتهت بوعد إنه هايطيع ربنا (آية 9)
- عندها، ربنا أمر الحوت فقذف يونا تاني إلى الشاطئ (آية 10)

فقلت: قد طردت من أمام عينيك. ولكنني أعود أنظر إلى هيكل قدسك

يونا 2 : 4

اليأس يتحول لرجاء ... تفاصيل أكثر في التأمل ده

و أمر الرب الحوت فقذف يونا إلى البر

يونا 2 : 10

خلاص طالما يونا تاب و رجع و طلى، يبقى الحوت عَمَل اللي عليه، و جه وقت الشغل تاني

الذين يراعون أباطيل كاذبة يتركون نعمتهم

يونا 2 : 8

الأباطيل الكاذبة دي أي حاجة مش مهمة في حياة الإنسان بتبعده عن ربنا ... تفاصيل أكثر في التأمل ده

نتعلم إيه؟

يونا رغم إنه عارف إنه عامل مصيبة بعصيان لربنا، كان عنده ثقة كاملة في محبة ربنا و رحمته عليه

يا رب إدينني حتى لو حاسس إني في جوف الهاوية، أصرخ إليك واثقاً أنك تسمعني ... و
أتي أعود أنظر هيكلك

3: يونا في نينوى

إصحاح #3



- ربنا عاد ليونان الأمر ثاني كما هو: اذهب إلى نينوى و نادي عليها ... فرصة جديدة تماماً، كأن التوبة مَسَحَتْ كل القديم ... يونان سمع الكلام المرّة دي (آية 2)

• نينوى كانت مدينة كبيرة جداً و محتاجة أيام عشان يونان ينادي فيها كلها (آية 3)

• يونان كان كلامه كأنه مش عايزهم يتوبوا بل عايزهم يهلكوا! لم يقل لهم:

1. إيه هي خطيتهم؟
2. مين اللي هايقلب المدينة؟
3. يعملوا إيه عشان يخلصوا؟

• الغريب جداً إن المدينة كلها (من الملك للأطفال في الشعب كله, و حتى البهائم) صاموا صوم قوي جداً في مسوح و رماد ... يمكن عرفوا إنه خارج من جوف الحوت (كأنه قائم من الأموات) (آية 5 ل 9)

• طبعاً قدام التوبة العظيمة دي, رحمهم الله و غفر لهم و رفع غضبه عنهم (زي ما بنقول في القسمة) (آية 10)

• و هنا المفارقة: يونان قال إن المدينة سوف (تنقلب) ... و الكلمة قد تعني الهلاك و الدمار (زي سدوم و عمورة) و قد تعني التغيير الكلي (و ده اللي حصل فعلاً! نينوى انقلبت 180 درجة من شر و خطية و فساد لصوم و صلاة و مسوح) ... يعني كلام يونان تحقق فعلاً

فم إذهب إلى نينوى المدينة العظيمة و ناد لها المناداة التي أنا مكلمك بها

يونان 3 : 2

التوبة = مسح للماضي اللي كان فيه رفض ... ولا كأن فيه حاجة حصلت, و كأن السفر ببداً ثاني ربنا رائع في إنه بيستخدمنا لمجد اسمه ... كل واحد ليه رسالة و لازم يعملها

فلما رأى الله أعمالهم أنهم رجعوا عن طريقهم الرديئة ندم الله على الشر الذي تكلم أن يصنعه بهم فلم يصنعه

يونان 3 : 10

توبة حقيقية مع صوم و صلاة = رحمة ربنا

و بلغ الأمر ملك نينوى فقام عن كرسيه و خلع رداءه عنه و تغطى بمسح و جلس على الرماد

يونا 3 : 6

علامة التذلل زمان ... بدل اللبس العادي يلبسوا لبس متواضع جداً (مسوح) و يقعدوا على الأرض 

نتعلم إيه؟

ما فيش حاجة اسمها إن حد مستحيل يخلص أو إن مافيهوش أقل ... طول ما الإنسان حي، ربنا مستني يتوب و بيدور عليه بكل الطرق حتى لا يهلك

🙏 يا رب خليني عندي هذا الرجاء في نفسي (إن التوبة الحقيقية دائماً مقبولة مهما كنت أنا بعيد عنك) ... و أنقل الرجاء ده لكل أولادك البعاد عنك

4: عتاب يونا لله

إصحاح 4#



- يونا في الإصحاح ده بدأ بعتاب لربنا و قال له: عشان كده أنا هربت في الأول ... مش عشان خايف من أهل نينوى، بل عشان عارف إن ربنا ممكن يرحمهم (آية 2)

- ده كان وصف ربنا لنفسه زي ما قال لموسى (في سفر الخروج 34 : 6): إنه طويل الروح و كثير الرحمة ... يونا بدل ما يفرح بالصفات دي, بيعاتب ربنا عليها
- و قال له: يا رب خدني خلاص مش عايز أعيش!
- **ربنا إله طيب جداً ... و عشان صفاته (اللي يونا كان متضايق منها) رحم يونا ... بل سأله: انت شايف إن عندك حق في غيظك؟ و لم نسمع حتى رد يونا (آية 4)**
- يونا خرج و عمل مظلة لنفسه خارج المدينة و قعد يراقب المدينة ... يمكن يرجعوا في توبتهم (آية 5)
- الجو كان حارّ، فربنا أعدّ يقطينة (شجرة لباب) عشان تظلّ على يونا ... اللي فرح بيها جداً (آية 6)
- بعد كده ربنا أرسل دودة ضربت اليقطينة ... فيونا تضايق جداً (آية 7 و 8)
- و ثاني طلب يونا الموت لنفسه ... و ثاني ربنا سأله: هل معاك حق في غيظك ده؟ (آية 8 و 9)
- يونا في آخر كلماته في السفر بيردّ على ربنا و يقول له: طبعاً معايا حق (آية 10)
- **ربنا في آخر كلماته في السفر فهم يونا ... إن قصة اليقطينة مثال صغير لقد إيه ربنا بيحزن على هلاك الخطاة ... و إنه نفسه يرجعوا و يتوبوا و يخلصوا (آية 11)**

فقال الرب: هل اغتظت بالصواب؟

يونا 4 : 4

ربنا طيب جداً معانا زي الأب اللي بيراضي ابنه العنيد المخطئ ... ربنا بصبر لا نهائي صبر على يونا حتى يفهم يونا قصد الله و تفكيره

أفلا أشفق أنا على نينوى المدينة العظيمة التي يوجد فيها أكثر من اثنتي عشرة ربة من الناس الذين لا يعرفون يمينهم من شمالهم، وبهائم كثيرة؟

يونا 4 : 11

طبعاً ده شعار السفر: رحمة و شفقة ربنا على الكل ... تفاصيل أكثر في التأمل ده

و خرج يونا من المدينة و جلس شرقي المدينة و صنع لنفسه هناك مظلة و جلس تحتها في الظل حتى يرى ماذا يحدث في المدينة

يونا 4 : 5

الحقيقة الكتاب لم يذكر يونا كان بيراقب إيه في المدينة بالضبط، أو كان إيه هدفه؟ لكن الأقرب إنه كان بيشوف هل التوبة هاتستمر ولا لا؟

نتعلم إيه؟

ربنا حنين جداً علينا ... يُشفق علينا لما نكون في غاية الحماقة ... عايز يفهمنا قصده و فكره بمنتهى الصبر و الحب، زي الأب مع أولاده

يا رب أشكرك على صبرك و محبتك معي أنا اللي دايماً باتعبك و مش فاهمك ... يا رب إديني استنارة روحك القدوس و محبة قلبك العظيم

المراجع

- موقع The Bible Project
- وعظة أبونا داود لمعي من برنامج فتشوا الكتب
- موقع القديس ت كلاهيمانوت